

Ճանապարհային ոստիկանության վարչական տույժ նշանակելու մասին 22.11.2021թ. թիվ 2113806803 որոշումն անփոփոխ, իսկ վարչական բողոքն առանց բավարարման թողնելու մասին

<<10>> 01 2022թ. 7-13 193

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մարտին Ասլիկյանի ՄԴ/101668-21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Տավուշ մարզի Նոյեմբերյան քաղաքի Բերդասար փողոցի 2 տան բնակիչ Մարտին Ասլիկյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 22.11.2021թ. թիվ 2113806803 որոշումը՝ նշելով, որ այն կայացվել է <<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 4-րդ հոդվածի 10-րդ մասի պահանջի խախտմամբ:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 4-րդ հոդվածի 10-րդ մասի համաձայն՝ վարչական ակտի հասցեատիրոջը հանձնվող (իրազեկվող, Հայաստանի Հանրապետության ոստիկանության կայքում տեղադրվող) վարչական ակտում զետեղված՝ իրավախախտումն ամրագրած տեսանյութի կադրում կամ լուսանկարում արձանագրված անձանց պատկերները մթնեցվում են:

Վարչական վարույթի ընթացքում պարզվել է, որ վարչական ակտում զետեղված՝ իրավախախտումն ամրագրած տեսանյութի կադրում կամ լուսանկարում արձանագրված անձանց պատկերները հնարավոր չէ նույնականացնել:

Հարկ է նշել, որ տվյալ դեպքում անձի պատկերի մթնեցման նպատակը բխում է վարչական ակտի լուսանկարի դրվագում հայտնված անձանց նույնականացման անթույլատրելիության ՀՀ օրենսդրական պահանջից, հետևաբար լուսանկարի դրվագում հայտնված այն անձինք, որոնց պատկերները դիտելիս տեխնիկական կամ այլ պատճառներով հնարավոր չի լինի նույնականացնել նրանց, կարող են չմթնեցվել:

Այսպիսով, Ճանապարհային ոստիկանության վարչական տույժ նշանակելու մասին 22.11.2021թ. թիվ 2113806803 որոշումն իրավաչափ է, օրինական և այն ենթակա է կատարման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 22.11.2021թ. թիվ 2113806803 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Մարտին Ասիկյանին:

**Ե.Կարապետյան**

Կատարող՝ Է. Ավետիսյան
Հեռ՝ 060-83-84-02